

JAVNA USTANOVA RADIO – TELEVIZIJA LUKAVAC

Broj: 02-323-2/24

Datum: 18.10.2024. godine

Na osnovu člana 20a.; 22. stav 1. tačka b) Zakona o radu („Službene novine FBiH“, broj: 26/16, 89/18, 23/2020 - odluka Ustavnog suda, 49/2021 – dr. zakon, 103/2021 – dr. zakon, 44/2022 i 39/2024), člana 4. Uredbe o postupku prijema u radni odnos u javnom sektoru u Tuzlanskom kantonu („Službene novine Tuzlanskog kantona“, broj: 4/19, 4/20, 11/20 i 5/21), člana 2. Pravilnika o radu JU RTV Lukavac, broj: 01-20/22 od 13.01.2022. godine i 01-298-6/22 od 23.05.2023. godine, člana 4. Pravilnika o postupku prijema u radni odnos u JU RTV Lukavac, broj: 01-21/22 od 13.01.2022. godine, članova 5. i 6. Pravilnika o organizaciji, sistematizaciji radnih mjesta, poslova i radnih zadataka u JU RTV Lukavac, broj: 01-18/22 od 13.01.2022. godine i Odluke o potrebi prijema radnika u radni odnos na određeno vrijeme, u trajanju od godinu dana (12 mjeseci), broj: 02-323-1/24 od 16.10.2024. godine, direktor Javne Ustanove Radio – televizija Lukavac raspisuje:

JAVNI OGLAS

za prijem radnika u radni odnos na određeno vrijeme

I

Javna Ustanova Radio – televizija Lukavac, sa sjedištem u Lukavcu, ulica Titova bb 75300 Lukavac (u daljem tekstu: JU RTV Lukavac), vrši prijem jednog (1.) radnika na određeno vrijeme, u trajanju od godinu dana (12 mjeseci), na radno mjesto:

- Novinar 1 1 izvršilac

II

Kratak opis poslova:

- Priprema i učestvuje u planiranju, snimanju i montaži vijesti, izveštaja, reportaža, kao i servisnih informacija, anketa i drugih novinarskih formata, različitih žanrova, za sve medije a pod nadzorom urednika i po standardima RTV Lukavac,
- Učestvuje u kreiranju, pripremi i realizaciji komercijalnih i nekomercijalnih programskih projekata koje organizira ili u kojima učestvuje RTV Lukavac,
- Radi na kreiranju i realizaciji sadržaja koji imaju za cilj promociju programa i aktivnosti RTV Lukavac,
- Priprema priloge i vijesti za televiziju, radio i WEB portal,
- Učestvuje u programima uživo (audio ili video),
- Radi po prioritetu za dnevno informativni program, a po nalogu nadređenog urednika može da bude angažovan i na drugim programskim sadržajima,
- Radi minimalno jednu emisiju sedmično, a po nalogu i uz saglasnost nadređenog urednika,
- Odgovoran je za kvalitet urađenog posla, te poštivanje profesionalnih i zakonskih normi,
- Obavlja i sve ostale poslove koje od njega zahtjevaju glavni i odgovorni urednik i direktor, a u interesu RTV Lukavac,
- Obavezno prisustvuje redakcijskom sastanku i daje svoj doprinos u radu,
- Radi u smjenama u skladu sa rasporedom radnog vremena,
- Radi i druge poslove po nalogu direktora i glavnog i odgovornog urednika,
- Za svoj rad odgovara direktoru i glavnom i odgovornom uredniku.

III

Opći uslovi

Kandidati trebaju ispunjavati slijedeće opće uslove:

- da je državljanin Bosne i Hercegovine,
- da je stariji od 18 godina,
- da ima univerzitetsku diplomu ili druge obrazovne ili akademske kvalifikacije ili drugi odgovarajući stepen stručne spreme koji dokazuje diplomom,
- da je zdravstveno sposoban za obavljanje poslova predviđenih za to radno mjesto,

- da nije obuhvaćen odredbama člana 9. Ustava BiH,
- da se protiv njega ne vodi krivični postupak.

Posebni uslovi

Kandidati trebaju ispunjavati slijedeće posebne uslove:

- da imaju visoku stručnu spremu (VSS),
- da imaju radno iskustvo – najmanje jedna (1) godina.

IV

Prilikom prijave na Javni oglas, kandidati su obavezni uredno popuniti **Prijavni obrazac** koji mogu pronaći na web stranici JU RTV Lukavac (www.rtvlukavac.ba) ili ga preuzeti na protokolu JU RTV Lukavac i uz isti dostaviti sljedeću dokumentaciju kao dokaz o ispunjavanju općih i posebnih uslova:

- Izvod iz matične knjige rođenih,
- Uvjerenje o državljanstvu (ne starije od šest mjeseci),
- PBA-3 obrazac,
- Diploma o završenom fakultetu, odgovarajućoj školskoj spremi,
- Uvjerenje o radnom iskustvu,
- Izjavu da kandidat nije obuhvaćen odredbama člana 9 Ustava BiH.

Kandidati koji ostvaruju pravo na prioritet pri zapošljavanju u skladu sa Zakonom o dopunskim pravima branilaca i članova njihovih porodica („Službene novine TK“, broj: 5/12, 5/14, 12/16 i 6/20, 14/22, 9/23 i 5/24, 13/24), isto mogu ostvariti samo ako uz prijavu dostave i **dokaz da se nalaze na evidenciji Službe za zapošljavanje kao nezaposlene osobe** (ne starije od mjesec dana od dana raspisivanja Javnog oglasa), potvrdu nadležnog organa o prizatom statusu branioca, odnosno člana porodice branioca, te izjavu da im radni odnos, zasnovan po osnovu ranije ostvarenog prioriteta pri zapošljavanju, nije prestao njihovom krivicom ili da po prestanku radnog odnosa nisu ostvarili pravo na otpremninu, odnosno da nisu korisnici prava na porodičnu penziju.

Kandidati koji po nekom drugom posebnom zakonu imaju prioritet u zapošljavanju, uz Prijavni obrazac trebaju dostaviti i odgovarajuću dokumentaciju kojom se to dokazuje, te se pozvati na poseban zakon po kojem imaju prednost pri zapošljavanju.

U slučaju da nakon provođenja provjere znanja, neki od kandidata budu imali jednak broj bodova, prednost pri zapošljavanju će imati kandidat koji ima prioritet u zapošljavanju kako je gore navedeno.

V

Kriteriji za rangiranje kandidata

Proces izbora kandidata za radno mjesto za koje je kao uslov propisana visoka stručna sprema, zasniva se na razmatranju dostavljene dokumentacije, te održanom pismenom i usmenom ispitu sa svakim od kandidata čije su prijave uredne, potpune i blagovremene.

Komisija za izbor kandidata u radni odnos će o vremenu i mjestu održavanja pismenog dijela ispita obavijestiti kandidate u pisanom obliku, putem obavijesti koja će biti dostavljena na adresu kandidata, kao i na e-mail adresu ukoliko je ista navedena u prijavi, i to najmanje pet dana prije održavanja ispita. O daljem procesu izbora kandidati se mogu obavijestiti i usmeno ili putem telefona.

Pismeni dio ispita će se sprovesti u vidu testa koji će se sastojati od 10 pitanja. Svaki tačan odgovor na pitanje se ocjenjuje sa jednim bodom. Kandidati koji na pismenom dijelu ispita ostvare najmanje 60 % od ukupnog broja bodova stiču pravo da pristupe na usmeni dio ispita – intervju. Kandidati koji na pismenom dijelu ispita ostvare manje od 60 % od ukupnog broja bodova, isključuju se iz dalje procedure prijema u radni odnos na određeno vrijeme.

Nakon provedenog pismenog dijela ispita Komisija obavlja razgovor-intervju sa svakim kandidatom ponaosob, sprovodi se po principu postavljanja pitanja a kriteriji u toku intervju su motiviranost i vještina komunikacije. Na usmenom ispitu svaki član Komisije će ocjenjivati kandidata dodjeljujući mu broj bodova između jedan i pet. Ukupna ocjena kandidata na usmenom ispitu će činiti zbir bodova datih od strane svakog člana Komisije.

Nakon okončanja procesa izbora kandidata za prijem u radni odnos, Komisija utvrđuje Listu uspješnih kandidata, u skladu sa ocjenama postignutim na usmenom i pismenom ispitu.

VI

Popunjene Prijavne obrasce, zajedno sa traženim dokumentima, kandidati dostavljaju u zatvorenoj koverti lično na protokol JU RTV Lukavac ili putem pošte na adresu: Javna Ustanova Radio – televizija Lukavac, Titova bb, 75300 Lukavac, sa naznakom: „Prijava na Javni oglas za prijem u radni odnos na određeno vrijeme, na radno mjesto NOVINAR 1 - NE OTVARAJ!“

VII

Oglas će biti objavljen u dnevnom listu, kao i na web stranici Ustanove. Rok za prijavu kandidata na Javni oglas je **osam (8) dana** od dana njegove posljednje objave. Svi dokumenti koji se dostavljaju uz prijavu na Javni oglas moraju biti u originalu ili ovjerenoj fotokopiji.

Uredno popunjen Prijavni obrazac podrazumjeva uredno popunjene sve rubrike na obrascu (osim e-mail adrese koju kandidat popunjava samo ukoliko istu posjeduje), uključujući rubriku za mjesto i datum. Kandidati su dužni svojeručno potpisati Prijavni obrazac u za to predviđen prostor. Prilikom popunjavanja Prijavnog obrasca kandidati su dužni u polje „Naziv radnog mjesta za koje se sprovodi procedura prijema u radni odnos“ upisati radno mjesto na koje se prijavljuju, na isti način kako je naziv radnog mjesta definisan u tekstu Javnog oglasa.

Neuredne, nepotpune i neblagovremene prijave neće se uzimati u razmatranje.

Izabrani kandidat će biti u obavezi, u ostavljenom roku, dostaviti **ljekarsko uvjerenje**, kao dokaz da njegovo zdravstveno stanje i psihofizičke sposobnosti odgovaraju uvjetima radnog mjesta za koje se raspisuje Javni oglas i **Uvjerenje o nevođenju krivičnog postupka**.

JU RTV Lukavac nema obavezu vraćanja dokumentacije kandidatima.



DIREKTOR JU RTV LUKAVAC

Jasmin Memić
Jasminka Memić